

四庫全書

子部

欽定四庫全書

子部

薛氏醫案卷五十一
二

詳校官八醫院醫官臣姜晟

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣張同履

欽定四庫全書

薛氏醫案卷五十一

明薛己訂

錢氏小兒直訣二

吐瀉兼變症治

五月二十五日已後吐瀉壯熱此臟腑中九分熱也傷
熱乳食吐而不消瀉色深黃玉露散主之 六月十五
日已後吐瀉身溫臟腑六分冷也嘔吐乳食不消瀉色

黃白口乾作渴者食前少服益黃散食後多服玉露散
七月七日已後吐瀉身涼三分熱七分冷也不乳多
睡悶亂哽氣出氣睡卧露睛唇白多噦亦用益黃玉露
二散主之 八月十五日已後吐瀉身冷不乳乾噦瀉
青褐水無陽也當用益黃散吐瀉乳食不化時時下痢
肌肉消瘦此脾胃虛寒也用木香丸夏月不可服如有
冷症則少服之其身溫壯熱或瀉痢紅黃赤黑此脾胃
實熱也用黃連丸冬月不可服如有熱症則少服之

薛按前法即內經用寒遠寒用熱遠熱之本旨又云
有假者反之雖違其時以從其症蓋胃傷則嘔吐脾
傷則泄瀉脾胃俱傷則吐瀉並作前症若傷辛熱停
滯嘔吐或大便下痢者用六君子加黃連吳茱萸木
香若停滯已去泄瀉不已用四君子加肉蔻骨脂若
傷生冷腹痛瀉痢青白用六君子加砂仁木香炮薑
若傷魚肉等物用六君子加山查砂仁若瀉紅黃赤
黑諸臟皆熱也先用香連丸後用補中益氣湯送香

連九若瀉痢青白乳食不化者用人參理中丸若吐瀉昏睡而露睛者用五味異攻散睡而不露睛者用玉露散若吐而手足俱熱或喜冷飲食或睡不露睛者用瀉黃散或手足冷或惡冷飲食或睡而露睛者用六君子木香然木香黃連二丸雖能攻尅病邪不無傷損脾胃治者審之

五太尉患吐瀉米穀不化時六月或用溫補之藥更加嘔吐此熱傷胃也當用石膏湯解之不信又服丁香散

師曰三日外必腹滿身熱飲水吐逆果如所言遂用白
虎湯三服後以白餅子下之又與白虎石膏二湯各一
服而愈

七太尉七月病吐瀉不食昏睡覺而悶亂噎氣乾嘔不
渴衆作驚治師以為脾虛先用史君子丸以補脾後用
石膏湯以退熱次日以水銀硫黃末一字薑水調下間
用溫補脾胃而愈

馮承務子五歲吐瀉壯熱不思飲食目睛多白面色無

神師曰此腎經虛弱下之則愈虛遂以消積丸磨之漸愈大凡傷食不下則成癖下後即與補脾無不效者

愚治一小兒白睛多唇色白七月間停食吐瀉困睡驚悸久治不愈余曰驚悸心血虛怯也困睡脾氣虛弱也乃因稟賦不足所致耳用補中益氣湯及六味丸加鹿茸治之而愈

一小兒盛暑吐瀉米穀不化或用黃連香薷飲類腹脹作痛手足並冷此脾氣虛而伏陰在內也用五味

異功散加木香治之而愈先君嘗云凡暑令吐瀉手足發熱作渴飲冷者屬陽症宜清涼之劑若手足並冷作渴飲湯者屬陰症宜溫補之劑故大人屬陰者誤用寒涼之藥死後手足青黯甚則遍身皆然於此可驗若吐乳瀉黃傷熱乳也吐乳瀉青傷冷乳也皆當下之吐瀉昏倦睡不露睛者胃實熱也吐痰涎及綠水者胃虛冷也

薛按前症若兒自受驚或乳母恚怒致兒吐瀉青色

者宜用異功散加柴胡若母食厚味而乳熱者用東垣清胃散母飲酒而乳熱者用葛花解醒湯子服一二匙若飲燒酒而乳熱或子母身赤或昏憤服冷米醋三五杯多亦無妨兒服一二匙若母停滯生冷而乳冷者母服養胃湯子服調中丸若母停滯而變熱乳者母服大安丸子服五味異功散若母鬱怒傷肝脾而乳熱者用歸脾湯逍遙散若母脾虛血弱而乳熱者用六君子加芎歸若母氣血虛而乳熱者子母

俱服八珍散若母勞役發熱而乳熱者子母俱服補中益氣湯若因怒動肝火而乳熱者用五味異功散加柴胡山梔其吐痰涎及白綠水者肝木乘脾土之虛寒症也用六君子加柴胡木香大凡吐乳瀉青色者屬驚法當平肝補脾吐瀉青白色者屬寒法當溫補脾土前諸症若手足指熱者屬實手足指冷者屬虛此亦驗法也

愚治一小兒每飲食失節或外驚所忤即吐瀉發搐

服鎮驚化痰等藥而愈後發搐益甚飲食不進雖參
朮之劑到口即嘔余用白朮和土炒黃用米泔煎數
沸不時灌半匙仍嘔次日灌之微嘔再日灌之欲嘔
此後每服二三匙漸加至半杯不嘔乃濃煎服而愈
一小兒停食吐瀉後身熱作渴瀉下紅白或青黑服
黃連丸之類將愈而復熱手足指却冷余謂始為實
熱終為虛寒用補中益氣湯加木香肉果治之而愈
一小兒傷食吐瀉不已瀉色青綠或澹白睡而露睛

手足指冷額黑唇青余謂瀉痢青綠肝勝脾土也或時溇白脾土虛寒也額黑唇青寒水侮土也悉屬中氣虛寒用五味異功散加升麻柴胡木香附子一劑而愈

一小兒傷食嘔吐發熱面赤服消導之劑飲食已消熱赤未退余以為胃經虛熱用六君子加升麻柴胡各二分四劑而愈

一小兒目睛緩視大便臭穢乃飲交感時乳所致用

四君子加木香藿香治之而安

一小兒吐酸乳食用四君吳茱萸黃連木香補脾平肝而愈後口中有酸水仍用前藥隨愈後唾苦水口中味苦用龍膽湯清肝火佐以四君子以補脾土乃瘥一小兒吐黃水或口甘所食之物悉皆甘味用瀉黃散愈後停乳食服剋伐之藥口甘不食形氣殊弱用補中益氣湯而愈

初生十日內吐瀉壯熱不乳或乳不消或白色先用白

餅子下之後用益黃散和之

初生下吐因穢惡下咽故也用木瓜散主之凡初生急須拭淨口中否則啼聲一發穢物嚥下致生諸病

薛按芽兒初生之患多因乳母不慎七情不節厚味傳兒為病當審其因以調治其母前所用之藥恐臟腑脆嫩不能勝受治者審之

咳嗽兼變症治

附喘嗽治驗

夫嗽者肺感微寒之症也八九月間肺氣大旺咳嗽面

赤痰盛身熱當以葶藶丸下之若久病不可下也 十
一月十二月嗽者乃傷風嗽也風從背脊第三椎肺俞
穴而入當以麻黃湯汗之有熱症面赤飲水咽喉不利
者兼用甘桔湯治之 若五七月間身熱甚唾粘者以
編銀丸下之若無熱症而但嗽者以葶藶丸主之後用
化痰藥 咳而後喘面腫者肺火盛也用瀉白散瀉之
咳而哽氣喉中有聲或嗽久肺亡津液者皆肺虛也
並用消膠散補之痰盛者先實脾土後用編銀丸微下

涎退即補肺 嗽而吐青綠水者百祥丸下之嗽而吐
痰涎乳食者白餅子下之嗽而咯膿血者甘桔湯主之
嗽而痰實面赤飲水者福銀丸下之治初嗽下之久則
補之更量虛實以意增損

薛按前症或兒自因腠理不密外邪內蘊或因乳母
七情厚味鬱熱若風邪外傷者用麻黃湯表散鬱熱
內蘊者用葶藶丸疏導鼻流清涕或頭痛聲重者用
參蘇飲散之更用四君子以固肺氣若心火刑肺用

人參平肺散以清肺金用六味地黄丸以滋腎水若嗽而吐青綠水者用六君子加柴胡桔梗平肝補脾若嗽而吐痰乳者用六君子加桔梗補土生金若嗽而吐膿血者用桔梗湯排膿理肺潔古先生云嗽而兩脇痛肝火侮肺也用小柴胡湯嗽而嘔苦水膽汁溢上也用黃芩半夏生薑湯嗽而喉中作梗心火刑金也用甘桔湯嗽而下氣小腸失約也用芍藥甘草湯嗽而喘急風邪傷肺也用麻黃湯嗽而嘔長蟲胃氣

虛也用烏梅丸嗽而痰涎壅盛風傷脾也用升麻湯
嗽而遺尿大腸氣虛也用赤石脂禹餘糧湯不止猪
苓湯嗽而腰背痛甚則咳涎風邪傷腎也用麻黃
附子細辛湯嗽而遺尿膀胱氣虛也用茯苓甘草湯
嗽而腹滿而腫不食脾虛氣逆也用五味異功散丹
溪先生云上半日嗽者腎中陰火也大抵咳嗽之症
多因肺氣虛腠理不密外邪所乘若風中於衛則呼
氣不出熱至於榮則吸氣不入風熱相搏血氣稽留

於肺若寸口脈數而虛為肺痿脈數而實為肺疽此
因汗下過度重亡津液所致其麻黃湯乃發汗解表之
劑葶藶丸乃內疏通利之劑白餅子亦疏利之劑審
有是症方可暫用之苟泛投施治重亡津液必致敗
症

杜氏子五歲仲冬咳嗽吐痰此風寒傷肺也用麻黃丸
以瀉肺後用阿膠散以實肺如此者三其病愈虛師曰
瀉肝而肝病不退補肺而肺病猶存無能為矣果大喘

而歿

李運使孫八歲咳嗽胸滿短氣或謂肺經有熱用竹葉湯牛黃膏各二服三日加喘師曰此肺氣虛而寒邪所乘用補脾肺之藥而愈蓋竹葉牛黃治心藥也用以治肺誤矣

張氏孫九歲喘噉悶亂飲水不止食不能下或用涼藥月許無效師曰此涼藥寒胃也以益胃散補脾土以瀉白散瀉肺金而愈

段齋郎子四歲病嗽身熱吐痰數日咯血或用甘桔湯防已丸其涎上攻吐喘不止用福銀丸一服下之復以補肺散治之或曰症屬肺虛何以下師曰肺經咯血而有熱故也况痰實上攻亦使發搖故宜先下其痰隨補脾肺而愈

愚治一小兒停食服剋伐之藥唾痰腥氣面赤氣喘此復傷肺氣內亡津液而變肺癰也不信已而果唾膿用桔梗湯痰膿頓止其喘益甚余謂因脾虛不能

生肺而然也用五味異攻散加杏仁薏苡仁百合治之而愈後小便澀滯誤服八正散二劑小便愈瀉咳嗽吐痰面赤盜汗此前藥復損腎氣虛火爍肺而為患耳余用五味異功散調補脾土用地黃丸滋養腎水而痊

愚治一小兒感冒咳嗽發散過度喘促不食痰中有血用桔梗湯愈後因元氣未復大便似痢或用五苓散黃連枳實之類痰喘目劓四肢抽搐變慢脾風而

歿

一小兒傷風咳嗽發熱服解表之劑加喘促出汗余以為脾肺氣虛欲用補中益氣湯加五味子補之不信乃服二陳桑杏桔梗枳殼前症益甚又加發搐痰湧余仍用前藥更加鈎藤鈎而痊

一小兒母有哮喘病因勞即發兒飲其乳亦嗽用六君子加桔梗桑杏治其母子常服數滴而愈大凡乳下嬰兒有疾必調治其母為善

一小兒傷食發熱抽搐嘔吐氣喘痰嗽屬脾肺氣虛而有熱以六君子加炒黑黃連山梔各二分一劑頓安

一小兒咳嗽因其母素食膏粱炙煇所致用東垣清胃散而愈後其母因怒咳嗽脇痛其子亦然母服小柴胡湯其子亦愈

一小兒傷風咳嗽或行表散化痰反加痰盛肚腹膨脹面色晄白余謂此因脾肺氣虛而復傷用六君子

加桔梗一劑頓愈三日後仍嗽鼻流清涕此復傷風寒而作仍用前藥加桑皮杏仁而愈

一小兒咳嗽痰涎上湧服清氣化痰藥反五更痰嗽余以為脾虛食積為痰也用六君子加神麩山楂桔梗而愈若因痰積而咳嗽者但健脾消食其痰自化若用剋滯之劑中氣愈虛其痰愈盛

一小兒喘嗽胸腹膨脹泄瀉不食此因飲食傷脾而不能生肺也用六君子湯一劑而愈

一小兒痰涎上湧則咳嗽面色黃白服清肺之藥不應服下痰之藥益甚余曰面色痿黃乃脾虛不能化食而為痰也今節飲食用六君子湯而痊大抵因嗽而生痰者當治其肺因痰而致嗽者當理其脾

薛氏醫案卷五十一

欽定四庫全書

薛氏醫案卷五十二

明 薛己 訂

錢氏小兒直訣三

五臟內外疳症主治

凡小兒疳在內目腫腹脹瀉痢青白體漸瘦弱疳在外
鼻下赤爛頻揉鼻耳或肢體生瘡鼻瘡用蘭香散諸瘡
用白粉散 肝疳一名筋疳白膜遮睛或瀉血而瘦用

地黄丸 心疳面黃頰赤身體壯用安神丸 脾疳一

名肥疳體黃瘦削皮膚乾澁而有瘡疥腹大嗜土用益

黃散 腎疳一名骨疳肢體瘦削遍生瘡疥喜卧濕地

用地黃丸 肺疳一名氣疳喘嗽氣促口鼻生瘡用益

黃散 若患潮熱當先補肝後瀉心若妄以硝磺諸藥

利之若患癖當消磨若誤以巴豆礪砂下之又傷寒誤

下皆能成疳其初病者為熱疳用黃連丸久病者為冷

疳用木香丸冷熱相兼者用如聖丸津液短少者用白

米散凡此因大病脾胃虧損內亡津液所致當固脾胃為主而早為施治則不變敗症也

薛按疔症或哺食早或嗜食甘肥或服峻厲之藥重亡津液虛火熾盛或因稟賦或乳母厚味七情致之當各調治其內 若口舌蝕爛身體壯熱顯唇赤色或作腫痛腹膈煩悶或掌熱咽乾作渴飲水便赤盜汗嚙齒虛驚此心經內外疔也用安神丸之類主之 若鼻外生瘡眼目赤爛肢體似癰兩耳前後項側

缺盆兩腋結核或小腹內股玉莖陰囊罌丸腫潰小便不調或出白津或咬指甲搖頭側目白膜遮睛羞明畏日壯大青筋口乾下血此肝經內外疔也用地黃蘆薈二丸主之 若頭不生髮或生瘡痂或髮成穗或人中口吻赤爛腹痛吐逆乳食不化口乾嗜土瀉下酸臭小便白濁或合目昏睡惡聞木音此脾經內外疔也用肥兒丸主之 若鼻外生瘡咽嗑不利頸腫齒痛咳嗽寒熱皮膚皴錯欠伸少氣鼻癢出涕

衄血目黃小便頻數此肝經內外疔也用地黃清肺
飲主之 或內熱吐痰手足逆冷寒熱往來滑瀉肚
痛口臭作渴齒齲潰爛爪黑面顴身耳生瘡或耳出
水或食自髮此腎經內外疔也用地黃丸主之凡疔
熱上攻或痘毒上升為患甚速名為走馬疔急敷雄
黃散服蟾蜍丸輕則牙齦腐爛唇吻腫痛可治重則
牙齦蝕落腮頰透爛不治

世傳方有云有無辜等疔
一十二症補註蟾蜍丸下

愚治陳職方孫面頰患瘡將蝕兩目或用清熱之藥

久而不愈余用大蕪荑湯二劑清其肝火而愈

陳司廳子遍身生瘡面色痿黃腹脹內熱大便不調
飲食少思倦怠口乾用大蘆薈丸治其肝脾不月而
愈

俞廷評子目割面青食少體倦大便滑泄此木乘脾
土用芍藥參苓飲而痊

陳工部孫腹內一塊小便不調或以血痞久服行氣
破血等藥發熱口乾體瘦懶食幾成瘵症余謂面黃

兼青乃肝脾疴症用補中益氣湯煎送大蘆薈丸四服又用前湯加車前子煎送六味丸四服又用清肝生血之藥而愈

一女子十二歲目生白翳面黃浮腫口乾便澁滯肝脾之症用四味肥兒丸而愈

一小兒九歲目劄畏明年深不愈或以為實火服瀉青丸之類益甚求治於余仍欲瀉肝余謂肝經虛火用地黃丸補之而愈夫肝氣為陽為火肝血為陰為

水肝經之症若非肝火血燥而生風必因肝血虛而火動其初患而病氣形氣俱實者宜少與瀉青丸瀉之其久患而病氣形氣俱虛者當與地黃丸補其腎肝蓋此症原因肝經血少而生風耳不可輒用瀉青峻劑經云凡病虛則補其母實則瀉其子前症果肝經實熱宜用柴胡黃連之類以治心火者審焉

一小兒鼻外生瘡不時揉擦延及兩耳又一小兒視物不明鼻內或痒或生瘡用四味肥兒丸漸愈

一小兒耳內出水耳外生瘡膿水淋漓經歲不愈余
用九味蘆薈丸以治肝用地黃丸以生腎水乃瘥
一小兒遍身如瘡或痒或痛肌體消瘦日夜發熱口
乾作渴大便不調年餘不愈用蘆薈丸以治肝兼五
味異功散以補脾而愈

一小兒數歲腦後並結二核肉色如故而骨腫正
屬膀胱經觀其形狀審其糞色兼屬肝脾腎三經用
九味蘆薈丸以清肝脾佐用地黃丸以補腎水形體

漸健不兩月而消

一小兒腹內結塊小便不調余以為肝經內疝症用
蘆薈丸為主佐以龍膽瀉肝湯而消

一小兒自脫胎即兩目赤腫或作痒或作翳此胎稟
肝火耳用六味蘆薈二丸而愈

一小兒患瘰癧小便頻數兩目連劄或作嘔少食泄
瀉後重此肝經熱盛而脾土受邪也用補中益氣湯
六味地黃丸而痊

一小兒面色痿黃眼胞微腫作渴腹脹飲食少思腹
中一塊或移動小便澄白大便不實此脾疳之患用
四君子加山梔蕪荑兼四味肥兒丸而愈

一小兒嗜食泥土困睡泄瀉遍身如疥此脾經內外
疳也用六君子湯及四味肥兒丸而痊

一小兒面黃頰赤發熱作渴睡中驚悸此心經內疳
症用四君加炒黑黃連芎歸為主佐以秘旨安神丸
而痊

一小兒所患同前兼掌心發熱遍身如疥此心經內
外疔症用肥兒丸為主佐以秘旨安神丸而愈

一小兒咳嗽寒熱咽喉不利鼻上有瘡久不生痂此
肺經疔症用地黃清肺飲四味肥兒丸而愈

一小兒下疔潰爛爪黑面鰲遍身生疥此腎經內外
疔症用地黃丸為主佐以四味肥兒丸而瘥

史少叅幼子二歲項後結核不時仰首或以為熱瘡
內潰用針決之服消毒之藥後曲腰啼哭余謂此無

辜外吊症也曲腰而啼內吊症也果歿

腹痛腫脹諸症

小兒腹痛體瘦面色晄白目無睛光口中氣冷不思飲食或嘔利撮口此脾土虛而寒水所侮也用益黃散調中丸主之若口中氣溫而色黃白目無睛光或多睡惡食或大便酸臭此積痛也用消積丸甚者白餅子下之後以白朮散調補胃氣若腹脹而悶亂喘滿者實也用紫霜丸白餅子若不悶亂喘滿者脾虛也誤下之以致

目胞腮面四肢浮腫肚腹愈脹以塌氣丸主之因下而喘脾氣益虛也脾虛不能勝腎水隨肺氣行於四肢如水狀若侵浮於肺即大喘也

薛按腹痛不食口中氣冷下利撮口等症屬形病虛寒也用六君子加炮薑溫補之食積多睡口中氣溫惡食面黃白等症屬病氣實而元氣虛也用六君子加神麩山查消導之劑若腹脹喘滿脾肺虛而氣不歸源者用補中益氣湯若因下脾肺氣虛而面目四

肢浮腫等症者用金匱加減腎氣丸況此症有因乳
母脾胃宿積飲食傷脾所致其白餅子紫霜丸必形
病俱實方可用也塌氣丸亦非調補之劑宜審用之
愚治一小兒每停食腹痛發赤暈用清中解鬱湯而
愈後患搖頭咬牙痰盛發搐吐酸腐待其吐盡翌日
少以七味白朮散次日又以參苓白朮散調理脾胃
遂不復患大抵吐後兒安不必更服他藥恐復傷元
氣也

一小兒傷食腹脹嘔吐發熱面赤服消導清熱之劑
飲食已消熱未退用六君子加升麻柴胡各二分
升補胃氣四劑而愈

一小兒五歲停食腹痛發熱面赤或用養胃湯枳實
黃連更加腹脹午後熱甚按其腹不痛余以為脾虛
而藥傷用六君子湯數劑而痊

一小兒數歲每停食輒服峻厲之藥後肚腹膨脹嘔
吐泄瀉先用六君子湯諸症漸愈又用補中益氣湯

而安

一小兒肚腹脹飲食即瀉手足逆冷此脾氣虛寒也
先用人參理中丸後用六君子湯而愈

一小兒傷食腹脹胸滿有痰用異功散而痊後復傷
食腹脹兼痛或用下劑痛雖止而脹益甚更加氣喘
此脾益傷而肺益虛也用六君子湯加桔梗調補而
愈

一小兒腹脹惡食發熱惡心殊類外感余曰此飲食

所傷脾肺虛熱也用保和丸一服諸症頓退但腹仍脹用異功散而痊

一小兒傷食腹脹服剋伐之劑小便瀉滯又服五苓散之類飲食漸減小便不通四肢頓腫余朝用加減腎氣丸夕用異功散而愈

若腎熱傳於膀胱熱甚逆於脾肺脾胃虛而不能制腎水流走四肢而身面皆腫若上勝則刑於肺故令喘也薛按肺主氣腎主水前症因稟賦不足或因大病後

或誤行汗下致脾虛不能制水而溢皮膚肺虛不能
攝氣而氣上逆宜用六味丸補中益氣湯治之如小
便不利用金匱加減腎氣丸腎經虛火上炎肺熱作
喘者用六味地黄丸心火熾盛肺熱作喘者用人參
平肺散凡此皆屬腎經陰虛熱症用六味丸壯水為
主若用清熱分利之藥則誤矣

一小兒稟父腎熱小便赤澀服五苓散之類後患停
食服剋伐之藥四肢面目浮腫小便不利漸至氣喘

此誤行滲利脾肺氣虛不能攝水而患腫脾腎虛寒不能制水而氣喘用六味丸加牛膝車前及補中益氣湯而愈

若口吐痰沫或吐清水面皸白心腹痛而有時者蟲痛也與癩相似但目不斜手不搐也用安蟲散主之

薛按蟲乃濕熱所生或木氣而化有因臟腑虛弱有因胃冷胃熱為人身之固有者其為患往來攻痛或吐涎水肌體消瘦而無正色但當調補脾胃為主若

蟲食上部則上唇有白點蟲食下部則下唇有白點
腹中之蟲朔日之後其頭向上望日之後其頭向下
如或用藥先以肉物近兒烹炙使聞香味蟲頭皆向
上則藥易於奏效丹溪先生云冬月吐蟲多是胃氣
虛寒用錢氏白朮散加丁香二粒補之可見小兒之
蟲皆飲食傷脾所致患瘡疥内生蟲虱者皆肝木所
主也

辛氏子五歲病蟲痛或用巴豆研砂之類哭而俛仰按

腹大呌面青黃而時白目仍青師曰此病大困更加瀉則不救次夜大瀉并下前藥師曰今面青作瀉此肝木乘脾形病相反當五日篤七日死已而果然

愚治一小兒蟲動心腹痛先服蕪荑散下之更加作嘔食少口渴飲湯右顯鼻準白中兼黃此脾肺氣虛也余用異功散二服少愈仍加炮薑一服而安

一女子年十三歲面色青黃頭左生癰頸項結核寒熱往來大便不利余謂此肝木侮脾元氣虧損所致

寒熱非容邪便秘非內實不信仍服雜藥後作泄瀉
瘡內出虱余用六君子加升麻柴胡蕪荑為主佐以
九味蘆薈丸諸症悉退頸核頓消

一小兒面色青黃心腹作痛時欲嘔吐或小便淋漓
或陰莖濕痒余以為肝經風熱侮脾不信後遍身生
疥出蟲虱余用四味肥兒丸六君子湯之類尋愈

若腹中有癖不食但飲乳是也當漸用白餅子下之蓋
小兒病此良由乳食不消伏於腹中乍冷乍熱飲水過

多即蕩滌腸胃亡失津液脾胃虛弱不能傳化水穀以致四肢羸瘦肚腹漸大而成疝矣

愚按此症或因小兒乳食過多致傷脾胃或乳食起居七情六淫失宜所致必先調補元氣為主佐以消散之劑若除之不以漸則必有顛覆之患常治食積既去而熱不退或作嘔吐少食用五味異功散脇脹少食善怒瀉青用六君子湯加升麻柴胡少食體倦瀉黃用補中益氣湯手足冷加炮薑木香不應佐

用四神丸體瘦潮熱口乾大便不調用肥兒丸兼頸
項結核口齒腐爛當參前疳條主之

愚治一小兒腹中痞塞略服二陳枳實黃連其痞益
甚余謂屬脾經血虛用六君子加當歸數劑胃氣漸
復乃朝用異功散加升麻夕用異功散加當歸而愈
一小兒素嗜肉食腹中作痛大便不調半載之後肚
腹膨脹右脇內結一塊不時轉移又三月左脇內亦
結一塊胸腹亦脹齟潰作渴小便赤澁或澄白大便

色穢不一又半載頷下結核三五枚服消塊行滯等藥元氣益虛其塊益甚余用四味肥兒丸五味異功散之類隨症進退治之熱渴漸止又月餘腹脹漸消更佐以九味蘆薈丸齒齦漸愈乃用四君子為主佐以蘇莢丸之類而痊

一小兒飲食不節或作瀉或腹痛或腹脹腹中一塊大便不調作渴發熱齦爛口臭專服消導尅滯前症益甚形體益瘦余曰面色黃中隱青脾上虧損而肝

木所侮也法當調補中氣平肝木則脾氣自旺虛火
自退諸症自愈遂用冲和湯及大蕪荑之類果愈
一小兒患痞服剋滯之藥余謂形氣有餘病氣有餘
者當瀉不當補形氣不足病氣不足當補不當瀉前
症屬形病俱虛非調補中氣不愈不信仍行剋伐元
氣虧損虛火上炎齒齲蝕爛頷下結核余用大蕪荑
湯及異功散之類尋愈

五臟雜症主治

自汗者厚衣卧而額汗出也盜汗者肌肉虛而睡中汗出也用止汗散遍身汗用香瓜丸 胃虛汗者上至項下至臍也用益黃散六陽虛汗者上至頭下至項難治薛按前症因小兒元氣未充腠理不密或因飲食停滯鬱熱或厚衣溫暖臟腑生熱而津液妄泄也其自汗屬心經血熱用導赤散血虛用團參湯其盜汗屬腎經虛熱用五味異功散氣血虛弱用人參養榮湯若寒水侮土用益黃散設泛行施治誤損脾胃多成

疳瘵其六陽虛汗乃稟賦不足若用參附芪附二湯
亦有生者大凡汗多亡陽必至角弓反張頸項勁強
若用十全大補之劑多有生者

張氏三子大者汗出遍身與香瓜丸次者上至項下至
胸與盆脾散小者但額有汗與石膏湯各五日而愈若
概用麥煎散治之誤矣

愚治一小兒其面色或白或青或惡寒或發熱鼻間
微黃兼白盜汗自汗胸膈不利飲食少思常懷畏懼

余以為脾肺氣虛不信又用硃砂安神之類前症益甚更往來寒熱泄瀉不食余用六君子湯加黃芪當歸為主佐以八珍湯之類而痊

一小兒五歲腹痛泄瀉盜汗鼻間左顯皆白此屬脾肺氣虛而食積所致用六君子加山查神麩四劑腹痛頓止去二味又四劑而大便調用四君歸芪二劑而盜汗止

一小兒十二歲形氣瘦弱右顯白兩頰赤鼻間隱青

盜汗久不愈此稟足三陰虛而然也朝用補中益氣湯夕用六味丸而愈

一小兒三歲盜汗少食聞藥即嘔此胃傷也用浮麥炒為末每服少許以乳調服旬餘嘔止乳進佐以六君子湯而愈

一小兒停食腹痛夜間盜汗此脾虛食積所致用六君子湯數劑腹痛漸愈盜汗亦止後復停食服消積丸作瀉不止自汗盜汗飲食甚少睡而露睛四肢發

搗此脾土虛而肝木所勝用六君子少加柴胡治之
飲食漸進諸症漸愈但盜汗不止屬腎虛也佐以地
黃丸愈

一小兒發熱呵欠頓悶咬牙盜汗屬肝膽火症用小
柴胡湯加山梔二劑又前用地黃丸料煎服而愈

夜啼者小兒筋骨血脉未成而多哭脾臟冷而痛也當
與溫中藥或花火膏主之若虛怯為冷所乘則唇青

薛按前症多因小兒稟賦不足或乳母飲食七情虧

損所致若面色白白睛多者屬腎氣不足至夜則陰
盛而腹痛也用六味丸若臉青唇白或小便黃短屬
脾氣不足至夜則陰盛而腹痛也用釣藤鈎散若臉
紅舌白或小便赤濇小腸熱也用導赤散加辰砂如
不應屬腎火用地黃丸唇色青白口中氣冷或肢體
冷或泄瀉曲腰或泄瀉不乳此脾腎虛弱用六神散
兼嘔吐用六君子湯大便不化乳少腹脹用五味異
功散加漏蘆令母服之兒病自愈兒亦服四五滴尤

妙兒大數滴

愚治一小兒停食腹痛夜啼用大安丸而愈後乳食雖入其腹仍痛用六君子加山查神麩痛少止乃去二味又四劑痛全止

一週歲兒痰嗽啼哭或用抱龍丸未止余視其右顙白左顙青此肺肝二經相勝先用瀉白散以祛肺邪次用柴胡梔子散以平肝火又用地黃丸以滋腎水而痊

一小兒三歲夜啼面色白黑睛少小便清此腎脾氣
虛朝用補中益氣湯加山藥五味子夕用地黃丸頓
愈

驚啼者邪氣乘心也當以安神主之

愚按哭而不啼多泪是驚悸也啼而無泪是痛也若
因心血不足用秘旨安神丸心火熾盛用導赤散水
火相搏用柴胡梔子散肝血不足用六味丸所云十
啼者蓋亦大同小異耳

愚治一小兒白睛多面色赤時作啼此稟腎不足用
地黃丸半載後忤其意雖毀面色不赤丹溪先生云
小兒忽大叫必死即此義也

若浴後拭臍不乾風入作瘡令兒撮口甚者是脾虛也
若頻撮口是氣不和也益黃散主之

愚按前症果因浴後拭挹不乾用枯礬為末搽之即
愈若兼乳母肝脾有熱助兒為患當用加味道遙散
以治其母若風入作瘡邪傳於脾撮口者其害匪輕

七日內患者其厄尤速

弄熱舌者脾臟微熱令舌絡牽緊時時舒熱當少用瀉黃散或飲水者脾胃虛而津液少也兼面黃肌瘦五心煩熱者疢瘦也用胡黃連丸大病未已而弄舌者凶

愚按小兒舌微露而即収名弄舌屬心脾虧損用溫脾散補之舌舒長而収緩名吐舌乃心脾積熱少用瀉黃散主之兼口舌生瘡作渴飲冷屬胃經實熱用瀉黃散作渴畏冷屬胃經虛熱用四君子湯食少作

渴或大便不實脾胃虛弱也用七味白朮散口角流涎或顛頰患腫胃虛風熱也先用人參安胃散後用七味白朮散若午後甚者脾血虛也四物湯多加參朮茯苓未應用補中益氣湯及審相勝其疝瘦症當參諸疝門

七味白朮散即人參白朮散

解顛者生下顛門不合也長必多愁少笑目白睛多面色眊白肢體消瘦皆腎虛也

愚按腎主髓腦為髓之海前症因父母精血不足不

能榮養宜用地黃丸補之有至七八歲或十四五歲
氣血既盛而自合若縱恣食色慾戕賊真陰亦不能
盡其壽矣此症若在乳下當兼補其母更以軟帛繫
束兒首使其易合亦有顛陷顛填俱屬稟不足或五
疳久病元氣虧損者仍叅後小便不通類主之

愚治一小兒顛解足軟膝大不能行履用六味丸加
鹿茸治之三月而能步履

一小兒年十四歲而近女色發熱吐痰至有室兩目

羞明頭覺脹大仍不斷慙頭漸大顯門忽開用地黃丸益氣湯之類斷色慙年餘而愈

一小兒十三歲患前症內熱晡熱形體倦怠食少作渴余以為所稟怯弱用六味丸加鹿茸補之不越月而痊

一小兒十四歲解顱自覺頭大視物皆大畏日羞明先兄以為腎稟怯弱用六味丸加五味鹿茸及補中益氣加山藥山茱萸半載漸愈二載而顯合後畢姻

覺顛門開解足心如炙喜其斷色慾戒厚味日服前藥二劑三載而愈

胎肥者生下豐厚白睛粉紅大便乾難時出涎水胎熱者生下有血色時叫哭身熱淡黃目睛多赤大便色黃急欲食乳並用浴體法主之 胎怯者生下面白肌肉瘦弱大便白水身無血色哽氣多噓亦用浴體法

薛按浴體之法乃開發腠理疏泄陽氣者也其胎氣果熱在暑月底幾可用其或胎怯而用前法恐復傷

真氣也然此症屬有餘者胎肥胎熱也因母食膏粱
厚味或怒火鬱熱胎怯弱者因父精不足或母氣虛
弱用八珍湯父精不足用地黃丸俱加漏蘆令母服
之子亦服之

急欲乳不能食者此風邪由臍而蘊熱心脾致舌厚唇
燥不能吮乳也

薛按前症果因外邪而唇口撮緊者名為臍風多不
能救若心脾有熱舌尖痛不能吮乳舌本痛不能送

乳者以柳華散敷之若舌下腫如小舌者或舌絡牽痛或齒齦患白星俱用線針刺出毒血亦敷前散若唇腫痛或裂紋作痛以當歸膏調前散敷之若暴病發熱作渴飲冷大便秘結用瀉黃散疏導其熱若病後發熱口渴飲湯大便不實用異功散調補胃氣若服攻伐之劑兼嘔吐或腹痛脾胃復傷也用四君子湯或口角流涎或痰氣壅盛脾不能攝也用六君子湯若兒自食甘肥或母食酒麵致兒口舌生瘡用清

胃散以清熱若作嘔少食泄瀉用白朮散以補脾若手足並冷或腹痛惡寒用六君炮薑以溫中若因乳母飲食勞役失宜發熱致兒用補中益氣湯因乳母肝脾二經血虛內熱傳兒用加味道遙散八珍湯因乳母肝脾鬱怒血傷內熱致兒為患用加味道遙散加味歸脾湯俱加漏蘆子亦服數滴仍參前弄舌類

凡針重舌以針直刺不可橫挑恐傷舌絡則言語不清

龜胸龜背者由兒生下風客於臍入於骨髓致成龜背

若肺熱脹滿攻於胸膈即成龜胸並用龜尿點其骨節

自愈

取尿法用青蓮葉安龜在上用鏡照之其尿自出

薛按小兒元氣未充腠理不密風邪乘之或痰飲蘊
熱於肺風熱交攻而致或坐早風入骨髓治當調補
脾肺為主若因乳母厚味辛辣而致者當兼治其母
若因稟父肝腎虛熱者用六味地黃丸若稟腎氣不
足者用八味地黃丸

若患吐瀉或大便後雖有聲而不能言又能嚙物者非

失音此腎怯不能上接於陽也當以地黄丸主之凡口
噤不止則失音語遲

薛按前症多因稟腎不足蓋腎脉繫於舌本非地黄
丸不能治故患此症者若仰首呵欠則嗽如未應須
兼以補中益氣湯滋其化源若陰火上炎肺金受傷
而失音者亦治以前法保嬰集云小兒五六歲腎氣
不足而不能言者用菖蒲丸口噤不能言者用地黃

丸

愚治一小兒言遲患泄瀉聲音不亮雜用清熱等劑
聲音如瘖飲食少思去後多在侵晨朝用地黃丸加
五味子夕用補中益氣湯其泄頓止却專服前丸不
兩月其言漸亮而愈

一小兒白睛多而黑睛少吐瀉後喉瘖口渴大便不
實朝夕悉服地黃丸而痊後患瀉其喉復瘖仍服前
丸遂愈

若大病後身目皆黃者黃病也 身痛背強大小便澀

一身盡黃小便黃赤此黃疸也瀉者難治 若百日或
半年不因病而身黃者胃熱胎疸也若淡黃兼白者胃
怯也

薛按大病後身目皆黃或肢體黃胖者脾氣虧損而
真臟為病宜用六君子湯參苓白朮散調補元氣病
後發渴者脾氣虛而津液少也用七味白朮散若脾
經濕熱壅滯二便秘脹理不得疏泄而為患者名為
黃疸用茵陳湯初生身黃壯熱不乳便秘此為胎熱

用地黃湯若二便赤濇腹脹面赤飲水用茵陳湯調
五苓散若清便自調四肢並冷用益黃散淡黃白用
調中丸

愚治一小兒旬日內先兩目發黃漸及遍身用瀉黃
散服之瘥

一小兒因母食鬱飽脹嘔酸而患遍身皆黃余以越
鞠丸治其母以泄黃散治其子並愈

長大不行行則脚軟 齒久不生生則不固 髮久不

生生則不黑皆胎弱也

愚按前症即五遲之症也蓋腎主骨齒者骨之餘髮者腎之榮也良由父母精血不足腎氣虛弱不能榮養而然耳有肝腎虛長而不能行者有肝氣虛而手足拳攣者有肝腎虛而脚不能館展者並用地黃丸滋補之有心氣虛而不能言語用團參湯補中益氣湯培養之若久病或五疳所致者但調補脾胃為主全嬰方云頭項手足身軟謂之五軟症皆稟腎氣怯


弱也

愚治一小兒體瘦腿細不能行步齒不堅固髮稀短少屬足三陰虛用六味地黃丸補中益氣年餘諸症悉愈形體充實

一小兒三歲言步未能牙髮稀少體瘦骨立發熱作渴目黑睛少服肥兒丸不應此腎虛疳症也前丸乃脾胃經之藥久服則腎益虛而疳益甚不信果牙髮漸落用六味丸加鹿茸五味子半載而愈

一小兒七歲左腿細短寸許不良於行目睛白多或
出盜汗髮黃成穗用地黃丸加鹿茸五味子為主佐
以補中益氣湯半載行履如故

一小兒脫肛半載恪服升補元氣之藥而愈



薛氏醫案卷五十二

欽定四庫全書

子部

薛氏醫案卷五十三

詳校官太醫院醫官臣姜啟

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣張同履

欽定四庫全書

薛氏醫案卷五十三

明薛己訂

錢氏小兒直訣四

瀉青丸 治肝經實熱急驚搐搦

羌活 大黃 川芎 龍膽草炒 山梔仁 當歸

防風 各等分

右為末煉蜜丸芡實大每服半丸煎竹葉湯入砂糖

化下

薛按前方足厥陰肝經解散肌邪疏通內臟之苦寒藥也若大便秘結煩渴飲冷飲食如常屬形病俱實宜用此瀉之若大便調和煩渴飲冷屬病氣實而形氣虛宜用抑青丸平之若大便不實作渴飲湯飲食少思肢體倦怠屬形病俱虛宜用地黃丸補之若肝經血虛生風先用四物湯加鈎藤鈎以生肝血繼用四君子湯以補脾土若因肝經血燥生痰用地黃丸生

腎水益肝血若土不能培木用四君子湯加當歸以
補中用地黃丸以滋腎若因肺金剋肝木用六君子
湯加芍藥木香實脾土以平肺金若因心虛奪母之
氣或腎水虛不能生肝木者並用地黃丸主之若屢
服峻劑而脾胃虛寒者必用六君子湯加丁香木香
補脾胃以培陽氣若因乳母恚怒肝火妄動致兒為
患者母服加味小柴胡湯若因乳母肝脾血虛發熱
致兒為患者母服加味逍遙散子亦服數滴

抑青丸即前方去山梔大黃

抑肝散 治肝經虛熱發搐或發熱咬牙或驚悸寒熱

或木乘土而嘔吐痰涎腹膨少食睡卧不安者

軟柴胡分五 川芎分八 當歸 白朮炒 茯苓各一錢 甘草

五錢 藤鈎一錢

右水煎子母同服

瀉心湯 治心經實熱

黃連

右為末每服五分臨卧溫水化下

薛按前症若叫戾發熱作渴飲水抽搐有力仰面而
睡者屬心經實熱宜用瀉心湯或導赤散若發熱飲
湯抽搐乏力驚竄咬牙合面而睡者屬心經虛熱用
補心散若喘嗽面赤壯熱飲水肺乘心也用瀉白散
若頭搖目劓身熱抽搐肝乘心也用柴胡清肝散若
合目昏睡泄瀉身熱脾乘心也用瀉黃散若竄視驚
悸咬牙足熱腎乘心也用安神丸若因乳母致症亦

用前藥以治其母

導赤散 治小腸實熱小便秘赤

生地黃 木通 甘草

炒各等分

右為末每服一錢入淡竹葉水煎

薛按瀉心湯導赤散瀉心小腸實火之劑蓋心為脾母脾為心子然心既病則脾土益虛矣用者審之

生犀散 治心經虛熱

地骨皮 赤芍藥 柴胡 乾葛

各一兩

甘草五分犀

角二錢
鎊

右為末每服一二錢水煎

薛按前方云治心經虛熱然其所用多屬瀉心瀉肝
脾之劑蓋虛熱二字恐傳寫之誤假如心經自病而
血虛熱者用秘旨安神丸脾虛奪心之氣而熱者用
秘旨補脾湯肝木不能生心火而虛熱者用地黃丸

秘旨安神丸 治心血虛而睡中驚悸或受驚嚇而作

人參 半夏湯泡 酸棗仁炒 茯神各一錢 當歸酒洗 橘紅

赤芍炒各七分五味子

五粒

甘草

炙三分

右為末薑汁糊丸芡實大每服一丸生姜湯下

瀉黃散 治脾胃實熱

山梔仁

一兩

石膏

五錢

藿香葉

甘草

各七錢五分

防風

二兩

右用蜜酒微炒為末每服一二錢水煎

薛按前症若作渴飲冷卧不露睛手足熱甚或遍身發黃屬胃經實熱宜用瀉黃散若作渴飲湯卧而露睛手足並冷屬胃經虛熱宜用異功散若面青搐搦

乳食少思肝乘脾也用秘旨補脾湯若面赤驚悸身
熱昏睡心乘脾也用秘旨安神丸若面白喘嗽肢體
倦怠肺乘脾也用補中益氣湯若唇黑泄瀉手足指
冷腎乘脾也用益黃散病後津液不足口乾作渴宜
用七味白朮散若乳母膏粱厚味七情鬱火所致當
審其因而治其母

五味異功散 治脾胃虛弱吐瀉不食

人參 茯苓 白朮 甘草 炒陳皮 各等分

右為末每服三錢薑棗水煎

薛按前方補脾胃之聖藥也况人之一身以脾胃為主若小兒乳食失節寒涼失宜或乳母六淫七情失調兒飲其乳諸病頓起當專以此藥治之其應如響益黃散 治脾土虛寒嘔吐泄瀉

丁香二錢 陳皮 青皮 訶子肉各五錢 甘草炙三錢

右為末每服一二錢水煎

薛按前症若因脾土虛弱而吐瀉者用五味異功散

若因肝木侮脾土而吐瀉者用六君子加柴胡如不應或手足指冷屬脾胃虛寒也更加木香炮薑若因乳母脾土虛而肝木侮亦治以前藥若乳母鬱怒致兒患前症母服加味歸脾湯

人參安胃散 治因服峻厲脾胃虧損或成慢驚泄瀉嘔吐或腸胃有熱以致前症

人參錢一黃芪錢二生甘草各五分白芍藥七分

白茯苓四分黃連二分

右為末每服二三錢水煎

七味白朮散 治吐瀉或病後津液不足口乾作渴

人參 白朮 木香 白茯苓 甘草炙 藿香葉

各一錢 乾葛二錢

右為末每服二三錢水煎

薛按胃傷則嘔脾傷則瀉故用前藥調補胃氣以化生津液如無他症只因胃氣虛而津液不足者用四君子湯尤效

秘旨補脾湯 治久病面黃肌瘦咬牙目劓頭髮稀少
誤藥所致

人參

白朮

各一錢

白芍藥

酒炒

白茯苓

各八分

陳皮

川芎

各六分

甘草

炙

黃芪

蜜炙

當歸

酒洗各四分

右每服二三錢薑水煎

瀉白散 治肺經實熱咳嗽痰喘

甘草

錢五錢

地骨皮

兩

桑根白皮

炒

兩

右為末每服一二錢入粳米百粒水煎

薛按活人方云喘者肺氣有餘也氣盛當認作氣衰
有餘當認作不足肺氣盛者乃肺中之火盛也有餘
者肺中之邪有餘也故用前藥以瀉之若土虛不能
生肺用補中益氣湯火來剋金用人參平肺散腎水
奪母之氣或陰火上炎用地黃丸若肺虛肝木乘侮
先用阿膠散後用瀉青丸若因乳母肺經受症致兒
為患母服前散若因乳母感冒風寒肺經鬱熱致兒
為患用十味參蘇飲若因乳母膏粱醇酒積熱致兒

為患用加味清胃散

阿膠散 治肺虛咳嗽口乾作渴

馬兜鈴

錢五

甘草

錢灸一

糯米

兩一

杏仁

皮七

箇去

明阿膠

一兩

麩炒鼠粘子

錢二分五分

右為末每服二錢水煎

薛按前症若因脾胃弱而肺氣虛者宜用補中益氣湯若肺金自虛者宜用四君子湯

地黃丸 治腎虛解顛或行遲語遲等症

澤瀉

三錢

牡丹皮

三錢

白茯苓

三錢

熟地黄

八錢
酒洗

山茱萸

肉

乾山藥

各四錢

右地黄杵膏餘為末加煉蜜丸桐子大每服二三十丸空心白湯下

薛按前丸治腎經虛熱作渴小便淋秘痰氣上壅或肝經血虛燥熱風客淫氣而患癰瘰結核或四肢發搐眼目睜動或肺經虛火咳嗽吐血頭目眩暈或咽喉燥痛口舌瘡裂或心經血虛有火自汗盜汗便血

諸血或脾虛濕熱下刑於腎腰膝不利或疥癬瘡毒
等症並用前藥為主而佐以各臟之藥大抵此藥為
天一生水之劑若稟賦不足肢體瘦弱解顱失音或
畏明下竄五遲五軟腎疝肝疝或早近女色精氣虧
耗五臟齊損凡諸虛不足之症皆用此以滋化源其
功不能盡述

四君子湯 治脾氣虛弱飲食不化腸鳴泄瀉或嘔穢
吐逆

人參 白茯苓 白朮 甘草炙各五分

右水煎服

四物湯 治肝經血虛發熱日晡益甚或煩躁不寐

白芍藥錢一 川芎五分 當歸 熟地黄各二錢

右作二劑水煎服

八珍湯 治氣血俱虛或因失血過多或因剋伐元氣

以致內熱發熱肢體瘦痺即四物四君子二湯合服

十全大補湯 治氣血虛熱或因病後惡寒發熱或自

汗盜汗食少體倦或發熱作渴頭痛眩暈等症即八
珍湯加黃芪肉桂

六君子湯 治脾胃虛弱體瘦面黃或久患瘧痢不思
乳食或嘔吐泄瀉飲食不化或時患飲食停滯或母
有前症致兒為患

人參 白朮 茯苓 各二錢
陳皮 半夏 甘草 各

錢一

右每服二三錢薑棗水煎

補中益氣湯

治中氣不足困睡發熱或元氣虛弱感

冒風寒諸症或乳母勞役發熱致兒為患

黃芪炙

人參

白朮炒

甘草炙

當歸

陳皮

各五分

升麻

柴胡

各二分

右薑棗水煎

香砂助胃膏

治胃寒吐瀉乳食不化

人參

白朮

炒各五錢

白茯苓

五錢

甘草

炙

丁香

各一錢

砂

仁四十箇

乾山藥

一兩

白芫薳

十四箇

肉芫薳

四箇

煨

右為末煉蜜丸芡實大每服二三丸米飲磨化

人參養胃湯 治外感風寒內傷生冷寒熱如瘧或嘔

逆惡心

人參

厚朴

薑製

蒼朮

製

半夏

湯泡

藿香

草果仁

茯苓

各五錢

甘草

炙二錢

橘紅

二錢五分

右每服二三錢薑三片烏梅一箇水煎

大蕪荑湯

治小兒脾疳少食發熱作渴大便不調髮

黃脫落面黑便清鼻下生瘡能乳嗜土等症

蕪荑

山梔

各五

黃栢

甘草

炙

黃連

防風

各

分麻黃

羌活

柴胡

各三

白朮

茯苓

當歸

各四

右作二劑水煎

肥兒丸 治食積五疳頸項結核髮稀成穗發熱作渴等症

黃連

炒

神麴

炒

各一兩

木香

一兩

檳榔

二十箇

豆蔻

二兩

史君子

酒浸

麥芽

炒各四兩

右為末麵糊丸麻子大每服四五十九米飲下良久
用五味異功散一服以助胃氣

九味蘆薈丸 治小兒肝脾疳積體瘦熱渴大便不調
或瘰癧結核耳内生瘡等症

蘆薈 胡黃連 黃連 木香 蕪荑炒 青皮

白雷丸 鶴虱草 各一麝香三錢

右為末蒸餅糊丸麻子大每服一二錢空心白湯下

黃連丸 治疳癆

瓜蒌根

烏梅肉

杏仁

浸去皮焙

石蓮

各二錢

黃連

五錢

膽汁
浸晒

右為末牛膽汁浸糊丸麻子大每服一二十丸煎烏

梅薑蜜湯下

木香丸 治冷疴

木香

青黛

檳榔

肉豆蔻

麝香

各錢隨
五分

子一兩
去油蝦蟆
存性三箇燒

右為末蜜丸菜豆大每服三五丸煎薄荷湯下

愚按前方消疳清熱逐水破氣之劑然云冷疳者乃陽氣虛而脾胃冷也其檳榔續隨子恐導損真陰尅伐陽氣治當審之

胡黃連丸 治熱疳

胡黃連

黃連

各五錢 朱砂 二錢

另研

右為末填入猪膽內以線扎懸掛銚中淡漿水煮數沸取出研入蘆薈麝香各二錢飯和丸麻子大每服一二十九米飲下

愚按前症當以本方為主佐以四君子加蕪荑脾胃
虛甚者以四君子加蕪荑為主以前丸為佐

如聖丸 治冷熱瘧瀉

胡黃連 川黃連

白蕪荑

炒各二錢五分
兩五錢

另研

乾蝦蟆

五箇酒
煮杵膏

右為末以蝦蟆膏杵丸麻子大每服一二十九煎人

參湯下

薛按疴之為患乃肝脾虛熱津液乾涸之症前方乃

專於治疔清熱之劑若脾胃虛弱者當佐以六君子湯調補胃使邪氣退庶可收全功也

蘭香散 治鼻疔赤爛

銅青 輕粉各五分 蘭香葉二錢
燒灰

右為末乾貼

白粉散 治諸疔瘡

海螵蛸三分 白芨二分 輕粉一分

右為末先用漿水洗拭乾貼

薛按前二方治表之藥如未愈用四味肥兒丸以治
其內

四味肥兒丸 治食積脾疳目生雲翳口舌生瘡牙根
腐爛發熱瘦怯遍身生瘡又治小便澄白腹大青筋
一切疳症

黃連炒 蕪荑炒 神麩 麥芽炒各等分

右為末水糊丸桐子大每服一二十九空心白滾湯下
蟾蜍丸 治無辜疳症一服虛熱退二服煩渴止三服

瀉痢愈

蟾蜍

一枚夏月溝渠中取腹大不跳不鳴身多瘤者

右取糞蛆一杓置桶中以尿浸之却將蟾蜍跌死投與蛆食一晝夜用布袋盛蛆置急流中一宿取出瓦上焙乾為末入麝香一字粳米飲丸麻子大每服二三十九丸米飲下其效如神

蕪荑散 治蟲動口內流涎

白蕪荑

乾漆

炒各等分

右為末每服五六分米飲下

安蟲散 治蟲動心痛

胡粉炒黃檳榔

川練子

鶴膝各三錢

枯白礬

二錢五分

右為末每服五六分痛時米飲調下

薛按蟲動之因多屬胃氣虛弱或聞飲食氣味而動

前二方乃化蟲之劑若因脾胃虛弱者須當調補中

氣

史君子丸

治臟腑虛滑及疳瘦下痢腹脇脹滿不思

乳食

史君子

肉一兩
麵煨

甘草

炙
厚朴薑汁

青黛

五錢
陳皮二錢

五分訶子肉

半煨
半生

右為末煉蜜丸芡實大每服三五丸米飲化下

白玉散 治丹瘤

白土

二錢
五分
寒水石半兩

右為末用米醋或新水調塗

薛按前方性味寒涼六腑受患毒發於表二便調和

乳食如常固為可用若胃氣虛弱者反凝滯瘀血益增其患重者須吮毒血各聚於一處砭出以泄之遍身者當隨其患處各吮聚砭之更服仙方活命飲大便不通者更加大黃如不應加大連翹飲治法雖多無如砭法為良百日内患者難治

神功散 治瘡瘍腫骨作痛未成者敷之即散已潰者敷之即愈丹瘤用之尤妙但砭縫作痛

黃栢炒 蒲黃

青黛

真正人 中白

煨各等分

右為末敷之

仙方活命飲 治一切瘡毒未成內消已成即潰能消
毒排膿止痛之聖藥也若膿出而腫痛不止者元氣
虛也當補之

穿山甲 白芷 防風 沒藥 甘草 赤芍藥

當歸尾 乳香 天花粉 貝母各錢 金銀花

陳皮各三錢 皂角刺二錢

右每服二三錢酒水各半煎

塌氣丸 治肚腹虛脹

胡椒一兩 蝎尾五錢
去毒

右為末 麩糊丸 粟米大 每服一二十丸 陳米飲下

薛按前症屬脾肺虛水氣泛而喘急浮腫必兼溫補
脾土以生肺金而氣自運行矣但前藥性屬辛熱雖
能祛散寒邪而恐真氣反傷不可過劑

消積丸 治食積大便酸臭發熱

丁香五箇 縮砂十二箇 烏梅肉三箇 巴豆二粒
皮心膜去

右為末麵糊丸黍米大每服五七丸溫水下

薛按前症若食積既去而熱不退或作嘔少食宜用
五味異功散以補胃氣或用四君子加藿香半夏以
安中氣若兼泄瀉用六君子湯如不應加升麻柴胡
以升補脾氣若久瀉不已宜用補中益氣湯以升補
陽氣若虛寒加炮薑木香如不應兼以安神丸以補
脾腎若體瘦潮熱口渴大便不調宜用肥兒丸以消
疳積

保和丸 治食積

山查

二兩神麴二兩半夏

茯苓各一兩

陳皮

連翹

蘿蔔子

各五錢

右為末粥糊丸桐子大每服一二十丸白湯下

清中解鬱湯

治脾氣虛弱飲食停滯鬱熱生痰或身

發赤暈

白朮炒

茯苓

陳皮

山梔炒

山查

神麴炒

麥芽炒

川芎

桔梗

甘草

炒各五分

右每服二三錢水煎

四神丸 治脾腎稟虛泄瀉不食或不時去後不實或
乳母患此致兒為患

肉豆蔻二兩補骨脂四兩五味子二兩吳茱萸一兩

右為末用水二碗生薑八兩紅棗一百枚煮熟取棗
肉和末丸麻子大每服二三十丸空心食前白湯下
子母並服

香連丸 治赤白痢疾并水瀉暑瀉

黃連

淨二兩

吳茱萸

去梗十兩

右先將二味用熱水拌和入磁器內置熱湯中頓一日同炒至黃連紫黃色去茱萸用連為末每末四兩入木香末一兩淡醋米飲為丸如麻子大每服四五十丸白滾湯下

五苓散

治霍亂吐瀉躁渴飲水小便不利

澤瀉

五錢

豬苓

官桂

赤茯苓

白朮

各三錢

右為末每服一二錢白湯調下

薛按前症若津液偏滲於大腸大便瀉而小便少者
宜用此藥分利若陰陽已分而小便短少者此脾肺
氣虛而不能生水也宜用補中益氣湯加麥門五味
虛火上炎而小便赤少者此肺氣受傷而不能生水
也用地黃丸加麥門五味

大黃丸 治風熱便秘飲水

川芎五錢甘草炙二分大黃一錢酒洗蒸晒黑牽牛五錢半
生半炒

右為末糊丸麻子大每服數丸溫蜜水下

薛按前方乃內疏之峻劑審其因果屬臟內實熱方可用

白虎湯

治傷暑煩躁身熱痰盛頭痛口燥大渴

知母

一兩五錢

石膏

四兩

白粳米

八錢

甘草

炙五錢

右為末每服一二錢水煎

羌活散

治風邪所傷頭目昏眩痰涎壅滯肢節煩疼

羌活

前胡

麻黃

白茯苓

川芎

黃芩

甘草

炙

蔓荊子

枳殼

麩炒

細辛

石膏

另研

菊花

防風各一兩

右為末每服一二錢水煎

地骨皮散 治壯熱作渴

地骨皮 茯苓 甘草 柴胡 半夏 人參

知母各等分

右為末每服一二錢水煎

大羌活湯

羌活 獨活 防已 防風 黃芩 黃連 蒼

木 白朮

甘草 炙川芎

細辛 各二錢 知母 生

地黃 各一錢

右為末每服一二錢水煎熱服

人參羌活散 治傷寒時氣頭疼發熱

人參 羌活 獨活 柴胡 前胡 桔梗 茯苓

芍藥 枳殼 炒麩川芎 天麻 各二錢 骨皮 分二 甘草 炒

分

右入薄荷三葉水煎

薛按前方乃解肌發表化痰利氣之劑然元氣虛者
宜用清肺散

秘旨清肺散 治感冒發熱鼻流清涕或咳嗽吐痰輕
者勿藥自愈重者用此輕和之劑

橘紅 半夏 炮桔梗 炒川芎 各五分 白茯苓 七分 甘草

炙防風 各四分 薄荷 白朮 一錢 桑白皮 七分 蜜炙各 枯黃

芩 炒各 三分

右每服二三錢薑水煎

薛按前症若風邪退而痰熱不止但健中氣則痰自化而病自愈若專用化痰利氣則中氣愈虛痰熱愈甚矣

敗毒散 治傷風時氣寒熱咳嗽

人參 茯苓 甘草炒 前胡 川芎 羌活 獨

活 桔梗 柴胡 枳殼麩炒各等分

右為末每服一二錢生薑薄荷水煎

薛按秘旨云小兒雖有感冒傷風鼻塞流涕發熱咳

嗽以降痰為主畧加微解凡散利敗毒非幼稚所宜
或冒輕者不必用藥候一二日自愈竊謂前症若手
足冷或腹脹脾虛也用六君子湯加柴胡升麻若腹
脹或氣喘肺虛也用四君子湯加柴胡升麻蓋肺虛
則湊理不密外邪易感發表之後其邪既去即補脾
肺以實其表庶無變症矣

百部丸 治肺寒壅嗽微喘

百部炒麻黃各三分杏仁四十箇微炒水煮

右為末用蜜丸皂子大每服一二丸薑湯化下

麻黃湯 治傷風發熱無汗咳嗽喘急

麻黃

去節三錢水煮
去沫漉出曬乾

肉桂

二錢炙一錢

杏仁

七箇
去皮

尖麩炒
黃研膏

每服一錢水煎服以汗出為度自汗者不宜服

薛按前方乃發表出汗之劑審其寒邪在表宜用若邪既去宜補脾肺以實其表庶風邪不能再入往往表散之後熱嗽不退復行發表多變壞症

地黄清肺飲 治肺疴咳嗽痰唾稠粘

阿膠

一錢 麩炒

馬兜鈴

甘草

各五分

鼠粘子

二分 炒

杏仁

七枚 去皮尖

糯米

十粒 炒

右每服一錢水煎

葶藶丸 治傷風咳嗽面赤身熱痰盛喘促

黑牽牛

炒

杏仁

炒黃

漢防已

各一兩

甜葶藶

隔紙 畧炒

右為末入杏膏蒸棗肉搗丸麻子大每服十丸薑湯

下

薛按前方行氣導濕之峻劑若脾肺虛熱而致諸症者當調補中氣為主若果係前症宜用惺惺散參蘇飲清肺丸茯苓半夏湯選用之

惺惺散 治傷寒時氣風熱痰壅咳嗽

桔梗 細辛 人參 甘草炙 白茯苓 白朮炒

瓜蒌根各等分

右為末每服二錢入薄荷五葉水煎

參蘇飲 治感冒風寒或腹脹少食泄瀉嘔吐或手足

並冷喘促痰涎

人參 紫蘇 陳皮 半夏 茯苓 枳殼炒 桔

梗炒 前胡 乾葛 甘草炒各五分 木香三分

右為末每服一二錢水煎

茯苓半夏湯 治胃氣虛弱痰涎惡心或飲食不化嘔吐發搐或睡卧不寧口流痰涎或乳母脾胃虛弱飲食不節以致兒患前症亦宜用此藥主之

白朮炒 茯苓 半夏 神麴炒各一錢 大麥炒五錢 陳皮

天麻各三錢

右每服一二錢水煎

甘桔散 治咳吐熱涎咽喉不利

甘草炒二兩 桔梗一兩米泔浸培

右為末每服二錢入炮阿膠半斤水煎服

薛按前症若風熱蘊於肺而咳膿血用桔梗湯若心火剋於肺而吐痰涎用人參平肺散

桔梗湯 治咳嗽吐膿痰中有血已成肺癰症

桔梗炒 貝母 當歸酒浸 瓜蒌仁 枳殼麩炒 薏苡仁

桑白皮炒 百合各一錢五分 五味子炒 甜葶藶炒 地

骨皮 知母炒 甘草節 防己 黃芪炒 杏仁各五

分

右每服一二錢水煎

人參平肺散 治心火尅肺咳嗽喘嘔痰涎壅盛胸膈

痞滿

人參 橘紅 甘草炙 地骨皮各五分 茯苓 知母

炒各七分 五味子 炒 青皮 天門冬 各四分 桑白皮 炒 一錢

右每服一二錢水煎

小柴胡湯 治傷寒溫熱患身熱惡風頭痛項強四肢煩疼寒熱往來嘔噦痰實及治中暑病瘧

柴胡 八錢 半夏 湯 黃芩 人參 各三錢 甘草 炙 二錢

右每服一二錢薑棗水煎

加味小柴胡湯 治乳母肝火發熱等症致兒為患即

小柴胡加山梔牡丹皮水煎子母並服以下倣此

加味逍遙散 治乳母肝脾氣血虛弱發熱致兒為患

當歸 白朮 茯苓 芍藥炒黃各一錢 柴胡 牡丹

皮 山梔炒 甘草炒各五分

右水煎服

柴朮參苓湯 治肝火血熱遍身瘙癢或起赤暈或筋

攣結核

白朮炒 人參 茯苓各一錢 柴胡 川芎 山梔

芍藥炒 甘草炒五分 熟地黃自製 當歸各八分

右水煎服

芍藥參苓散

治肝木剋脾土目劓面青食少體倦

芍藥炒人參

茯苓

白朮

陳皮略七

柴胡

山梔

炒甘草炒各五分

右薑水煎

梔子清肝散

治三焦或足少陽驚風熱耳內作痒生

瘡或出水疼痛

柴胡

梔子

炒

丹皮

錢各一

茯苓

川芎

芍藥

當歸 牛蒡子炒各七分 甘草

右水煎服

龍膽瀉肝湯 治肝經濕熱或囊癰便毒小便澀滯

車前子炒 木通 當歸尾 澤瀉各三分 甘草 黃

芩 生地黃 山梔 龍膽草酒炒五分

右水煎服

茵陳湯 治身熱鼻乾汗出二便赤澇濕熱發黃

茵陳 梔子 茵陳 大黃二錢

右每服一錢水煎

大連翹飲 治積熱大小便不利或痘後餘毒肢體患
瘡或丹瘤遊走不止

連翹 瞿麥 荆芥 木通 赤芍藥 當歸

防風 柴胡 滑石 蟬退 甘草各一錢 山梔炒

黃芩

炒各五分

右每服一二錢水煎

清涼散 治消中能食體瘦口乾自汗大便結燥小便

頻數

羌活

柴胡

炙甘草

知母

酒製

黃芪

黃芩

酒製

各一錢

生甘草

防己

生地黃

酒製

防風

各五分

當歸

六分

紅花

少許

桃仁

五箇

杏仁

升麻

四分

石膏

黃柏

龍胆草

各一錢五分

右每服一二錢水煎入酒少許服

四順清涼飲

治臟腑有熱頰赤作渴四肢驚掣大便

秘瀉或風熱結核頭面生瘡目赤咽痛一切有餘之

症

赤芍藥 當歸 甘草 大黃各等分

右每服一錢水煎

黃連香薷飲

香薷四兩 厚朴二兩 黃連一兩

右每服一二錢將朴連同生薑炒令紫色入香薷水
酒各一錢煎冷服

金匱加減腎氣丸 治脾腎虛腰重脚腫小便不利或

肚腹腫脹四肢浮腫或喘急痰盛已成蠱者此症多
因脾胃虛弱治失其宜元氣復傷而變者非此藥不
救

白茯苓

三兩附子
炮五錢

川牛膝

肉桂

澤瀉

車

前子

山茱萸

山藥

牡丹皮

各一兩

熟地黃

四兩

搗碎酒
拌杵膏

右為末和地黃膏加煉蜜杵丸桐子大每服一二十
丸空心米湯下

五色丸 治五癩

朱砂 真珠 各五錢
水銀 雄黃 各一兩
黑鉛 三兩
同水銀結

砂成

右為末煉蜜丸麻子大每服三四丸煎金銀薄荷湯下

愚按前症有因驚因風因食之不同雖痰迷心竅然當補脾氣為主

斷癩丹 治癩差後變症不止

黃芪蜜炙 鈎藤 鈎 細辛 甘草炙各五錢 蛇退酒炙三寸 蟬

蛻

去土四箇 牛黃另研一字

右為末煮棗肉為丸麻子大每服五七丸人參煎湯

下

宣風散 治驚風

檳榔二箇 陳皮 甘草各五錢 牽牛四兩半生半炒

右為末每服三五分蜜湯調下

愚按肝氣為陽為火肝血為陰為水故肝氣熱則生

風風熱搏則驚搐而肝血必損也然有餘當認為不足若屢服利驚宣風之劑未免虧損脾胃以成慢驚矣慎之

福銀丸 治風涎膈熱及乳食不消腹脹喘促

巴豆

水銀

各五錢

麝香

五分

黑鉛

二錢

半

京墨

八錢

火燒醋
泮研

右為末陳米粥丸菘豆大每服二三丸煎薄荷湯下
愚按前方治癩癩驚搐消積下痰之藥也其用牽牛

巴豆等蓋以痰飲癖積結聚堅固非此不能除故潔
古先生云為斬關奪旗之將形病俱實者用之誠有
回生起死之功必須詳審不可輕率

牛黃丸 治驚熱消積疳

雄黃研水飛 牽牛各一錢 天竺黃二錢

右為末麵糊丸粟米大每服五七丸薄荷水下

紫霜丸 治驚積

代赭石二錢 杏仁廿一箇 巴豆二十一粒
水飛 去皮尖 去皮心膜

右為末飯丸粟米大每服五七丸煎皂角仁湯下

利驚丸 治急驚

天竺黃

錢二輕粉

青黛

錢各一

黑牽牛

錢炒五

右為末煉蜜丸豌豆大每歲一丸薄荷水化下

白餅子 治腹中有癖但飲乳嗽而吐痰涎

滑石

輕粉

半夏

湯浸焙

南星

錢各一

巴豆

二十四粒去皮

膜水煮
另研

右為末糯米飯丸菘豆大捻作餅每服二三餅煎葱

白湯下

薛按前四方乃斬關奪門起死回生之重劑也必審形病俱實方可施之恐至失手命在反掌經云邪之所湊其氣必虛留而不去其病乃實實者病氣實而形氣則虛也東垣先生云形病俱實者當瀉不當補形病俱虛者當補不當瀉治者審焉

涼驚丸 治驚疳

龍膽草炒防風

青黛各三錢

鈎藤鈎二錢黃連炒二錢

龍腦

錢一

牛黃

麝香

各二分

右為末麵糊丸粟米大每服十丸煎金銀花湯下

薛按前丸心肝二經清熱祛風化痰散氣之寒劑蓋
舟者津液乾涸之症不宜多服恐傷胃氣無以滋腎
水生肝血也

羌活膏 治脾虛肝熱熱盛生風或吐瀉或誤藥變為
慢驚之症

羌活

川芎

人參

白附子

炮各五錢

赤茯苓

五天

麻兩白殭蠶

酒炒

白花蛇

酒浸焙乾

乾蝎

炒去毒

雄黃

辰

砂

另研各一分

附子

炮防風

麻黃

去節

肉豆蔻

雞舌

香

藿香葉

沉香

木香

各二錢

輕粉

珍珠

牛黃

各錢五分

龍腦

二分

麝香

一錢各另研

右為末煉蜜丸豆大每服一二丸薄荷湯化下

薛按前方藥味雜亂果脾氣虛而成慢驚者當審用之恐發散真氣重損陰血故也

抱龍丸

治傷風溫疫身熱昏睡風熱痰實壅嗽又治

驚風潮搐及蟲毒中暑

雄黃

二錢五分

辰砂

五錢另研

天竺黃 一兩

牛膽南星

四兩

麝香

五分另研

右為末甘草湯丸皂子大每服一丸白湯化下

薛按前丸化痰祛邪清熱之功居多屬肝心實熱而致者用之殊效若脾肺虛弱而見昏睡痰嗽當用實鑑天麻散以調補元氣

小續命湯 治中風不省人事涎鳴失音肢體反張或時厥冷

麻黃 去節

人參

黃芩

川芎

芍藥

甘草 炒

杏仁

去皮
尖研

漢防已

官桂

各五錢

防風

七錢
五分

附子

炮去皮
臍二錢

右各另為末和勻每服一錢薑棗水煎有熱減桂附

寶鑑天麻散

治急驚脾胃虛弱或變慢驚者

半夏

七錢

天麻

二錢
五分

甘草

炙

白茯苓

白朮

各二錢

右入生薑三錢磁器內水煮候乾為末每服一錢五分薑棗湯調下

釣藤鈎飲 治吐利脾胃虧損虛風慢驚

釣藤鈎分三蟬殼 防風炒 人參 麻黃 白殭蠶

炒 天麻 蝎尾去毒炒 甘草炙 川芎各二分 麝香五分

一錢
另研

右為末每服一二錢水煎

薛按慢驚之症屬脾胃虧損所致前方乃辛溫散表

之藥而無調補之功須審用之

大青膏 治傷風吐瀉身溫涼熱

天麻

青黛

各一錢

白附子

乾蝎

去毒

朱砂

各五分

黃

二錢

麝香

分二

烏梢蛇

肉酒浸焙

右為末生蜜和膏每服一豆粒許月中兒用半粒薄

荷湯化服

愚按大青膏乃表散之劑也必外邪蘊結於肺而肺氣之未損者乃可施之况前症屬脾肺氣虛而邪之

所湊必以固脾胃為主否則虛虛之禍恐不能免矣

溫白丸 治瀉泄瘦弱冷疴洞利及久病而成慢驚

天麻

錢五

白殭蠶

炮

白附子

乾蝎

去毒

天南星

湯炮

焙各

二錢五分

右為末麵糊丸菜豆大每服十九丸米飲下

愚按前症屬脾氣虛寒無陽之症無風可散無痰可

逐當兼用六君子湯十二味異功散木香散

參芪四聖散 治痘瘡已出至六七日不起發不成膿

人參 黃芪炒 白朮炒 茯苓 當歸 芍藥炒 川

芎

各五分

紫草

木通

防風

各三分

糯米

一百粒

右作二劑水煎服

陳氏木香散

木香 大腹皮 人參 桂心 赤茯苓 青皮

前胡

訶梨勒

半夏

薑製

丁香

甘草

各等分

右每服二三錢薑水煎

薛按前方若豆瘡已出未愈之間其瘡不光澤不起

發不紅活五七日內泄瀉作渴或肚腹作脹氣促作喘或身雖熱而腹脹足指冷或身熱作渴或驚悸腹脹或汗出不止或寒戰咬牙瘡不結痂此皆脾胃虛寒津液衰少急用此藥治之若誤認為實熱用寒涼之藥及飲蜜水生冷瓜果之類必不治

十二味異功散

木香

二錢半

官桂

二錢

當歸

三錢半

茯苓

白朮

各二錢

人

參

陳皮

厚朴

薑製

半夏

薑製

丁香

各二錢半

肉豆蔻

二錢

半
附子炮一錢半

右每服二三錢薑棗水煎

薛按前方若痘瘡不光澤不起發不紅活不結靨謂之表裏俱虛宜用此藥治之若悶亂煩渴吐瀉不食腹痛腹脹痰喘氣急謂之表裏虛寒急用此藥送豆蔻丸或十日至十一日當靨不靨煩渴咬牙手足並冷飲沸湯而不知熱此陽虛脫陷急用此湯救之亦有復生者

百祥丸 治痘瘡黑陷及嗽而吐青綠水

紅芽大戟

陰乾漿水煮軟去骨復入元汁中煮

右焙乾為末水丸粟米大每服十九赤脂麻湯下

薛按前方治痘瘡黑陷耳骨冷咬牙吐瀉者乃脾土虛敗寒水反侮歸腎之惡候也用百祥丸瀉之急以四君子加丁香陳皮木香厚朴炮薑以溫補脾土身熱飲水黑陷復起十救一二蓋此症因脾土虛敗寒水乘侮陳文秀先生云若治寒水於既侮之後何不

保脾土於未敗之先此發前人之未發况前藥必藉
脾胃之氣連及於腎而纔瀉之吾恐胃氣先傷而莫
能及然非錢公之明見不敢投非古昔之元氣不敢
用治者慎焉

牛李膏 治痘瘡黑陷

牛李子

右杵汁石器內熬膏每服皂子大煎杏膠湯化下

雄黃散 治痘後牙齦生疳蝕瘡

雄黃錢一銅綠錢二

右同研細量瘡大小乾糝其上

化毒丹 治胎毒及痘後頭面生瘡眼目腫痛

生地黄 熟地黄 天門冬 麥門冬 玄參各三

兩甘草 甜硝各二兩 青黛一兩五錢

右為末煉蜜丸芡實大每服一丸白湯化下

薛按前方生血涼血解毒寒中之劑用之得宜殊有

良驗

括萋湯 治慢驚

括萋根二錢 白甘遂一錢

右慢火炒黃為末每服二三分煎薄荷麝香湯下

薛按徐用誠云錢氏治慢驚用括萋湯恐傳寫誤耳
蓋驚主風木甲木屬陽病急易治乙木屬陰病緩難
治况小兒五臟之氣未實神氣未完而自病慢驚之
症非病後及吐瀉脾胃虛損而得者慎勿用此峻厲

之劑

溫驚丸 治慢驚風症

朱砂一錢五分 天竺黃五錢 龍腦一錢 紫朮脂一錢 牛膽南星

兩四

右各另為末用黃牛膽汁丸芡實大每服半丸砂糖湯化下

薛按慢驚屬脾胃無陽肝木所勝之寒症故用溫驚丸以溫之但所用之藥乃辛散陽氣祛逐痰涎治者審之

人參理中丸 治中氣虛熱

人參

白朮

炒

甘草

炙各等分

右為末薑汁糊丸菴豆大每服二三十丸白湯下

調中丸

治脾胃虛寒

白朮

人參

甘草

炒各五錢

乾薑

四錢炮

右為末用蜜丸菴豆大每服二三十丸白湯下

薛按前二方本經自病之藥即人參理中丸也若腎水侮土而虛寒者當加半夏茯苓陳皮或嘔吐更加

藿香泄瀉加木香

張氏溫脾散 治脾胃虧損腹脇虛脹乳食不進困倦

無力

訶子肉

人參

各七錢

白朮

木香

桔梗

茯苓

藿香

陳皮

黃芪

各五錢

甘草

炙二錢半

右每服二三錢薑棗水煎

薛按前方治脾肺虛弱之症若肺病已去前症未已但用六君子湯以調補脾胃

歸脾湯 治乳母脾經氣鬱致兒為患

人參 白朮 茯神 黃芪 龍眼肉 各二錢 遠志

錢 酸棗仁 木香 甘草

灸三分

右薑棗水煎服加柴胡山梔名加味歸脾湯

越鞠丸 治乳母六鬱傳兒為患或胸滿吐酸齒痛瘡

疥等症

蒼朮 神麴 炒 香附子 山查 山梔 炒 撫芎

麥芽 炒 各等分

右為末水調神麩糊丸桐子大每服二三十丸白滾湯下子母並服

清心丸 治驚熱煩躁

人參 茯神 防風 朱砂 柴胡各二錢
片 金箔十三

右為末煉蜜丸桐子大每服一二丸竹瀝調下

安神丸 治邪熱驚啼心肝壯面黃頰赤

牙硝 白茯苓 乾山藥 麥門冬
焙去心 寒水石

甘草各五錢朱砂一兩龍腦二分

右為末煉蜜丸芡實大每服半丸砂糖水化下

薛按前方降火化痰辛散寒涼之劑不宜過服恐反傷脾胃也若睡中驚悸不安宜用秘旨安神丸若因乳母脾氣鬱熱致兒為患者宜用加味道遙散若因乳母怒氣肝經發熱致兒為患者宜用加味小柴胡湯若因乳母飲酒胃經發熱致兒為患者宜用葛花解醒湯

右為末每服二錢薑棗水煎

六神散 治面青啼哭口出氣冷或泄瀉不乳

人參

山藥

白朮

各五錢

甘草

二錢 白茯苓

扁豆

各一兩炒

右為末每服一錢薑棗水煎

當歸散 治夜啼不乳

當歸

白芍藥

人參

各二錢半

甘草

炙一分

桔梗

陳皮

各一錢

右為末每服一二錢水煎灌之

蟬蛻鈎藤散 治肚疼驚啼

鈎藤 天麻 茯苓 川芎 白芍 各一錢

右每服一錢燈心水煎

羚羊角丸 治行遲

羚羊角 鎊 生地黃 焙 酸棗仁 虎脰骨 醋炙 白茯苓

苓 各五錢 肉桂 防風 當歸 黃芪 各一錢

右為末煉蜜成劑每服一皂子大白湯化下

葛花解醒湯 治乳母酒後乳兒遺熱為患

白苳寇

砂仁

葛花

各五錢

乾生薑

白朮

澤

瀉

神麴

炒各二錢

白茯苓

陳皮

人參

猪苓

各一

錢半

木香

五分

青皮

三錢

右為末每服二錢白湯調服

薛按前湯氣味辛散不得已而用之耳蓋酒病服之雖效頻服則陰損元氣折人長命可不慎哉

花大膏

治夜啼

燈花

一類

右塗乳上令兒吮之

薛按前症有因停乳腹痛者有因陰盛發躁者有因寒盛腹痛者有因乳母鬱悶怒氣傳兒者有因乳母停滯傳兒者治法說見本論

鉤藤飲

治夜啼

鉤藤鈎

二半

茯苓

茯苓

川芎

木香

當歸

錢各一

甘草

五分

菖蒲丸 治心氣不足不能言語

人參錢五丹參錢二石菖蒲 赤石脂錢各三天門冬

麥門冬各去心
一兩焙

右為末蜜丸棗豆大每服十九丸若病後腎虛不語宜

服地黃丸

止汗散 治睡而自汗

故蒲扇燒

右為末每服三錢溫酒調下

香瓜丸 治遍身汗出

胡黃連

川大黃

煨

柴胡

鼈甲

醋炙黃

黃柏

黃

連

蘆薈

青皮

各三分

右為末將黃瓜一箇去穰納藥煨熟杵和麵糊丸菜
荳大每服三五丸新水下

薛按自汗屬陽虛盜汗屬陰虛若心經血虛用團參
湯腎經虛熱用地黃丸血氣虛用人參養榮湯之類
胃氣虛用六君子湯或用一味白朮炒為末以浮麥

炒濃煎湯調服

當歸六黃湯 治血氣不足虛火內動盜汗不止

當歸 熟地黄 黃芪炒 黃柏已下俱炒黑 黃芩 黃

連 生地黄各等分

右每服二錢水煎

團參湯 治心血虛熱自汗盜汗

人參 當歸各等分

右用猪心一片每服三錢水煎服

芪附湯 治稟賦氣虛陽弱自汗不止肢體倦怠或大病後陽氣虧損並急服之多有生者

黃芪

蜜炙

附子

炮等分

右每服一錢薑水煎

參附湯 治稟賦不足上氣喘急自汗盜汗或病久陽氣脫陷急宜服之

人參

一錢 附子

兩炮一

右每服一錢薑水煎

人參養榮湯 治脾肺俱虛發熱惡寒肢體瘦倦食少

作瀉或久病虛損口乾食少效而下痢驚熱自汗

白芍

一錢五分

人參

陳皮

黃芪

蜜炙

桂心

當歸

白朮

炒

甘草

炙各一錢

熟地黃

五味子

杵炒各七分

遠志

五分

右每服二三錢薑棗水煎

玉露散 治傷熱吐瀉黃色

石膏

煨

寒水石

各五錢

甘草

二分五分

右為末每服五分白湯調下

薛按前症若飲食如常作渴飲冷屬胃經實熱宜用此藥若食少體倦或善噫瀉黃此脾虛色陷也宜用六君子加柴胡升麻若瀉而變青更兼腹脹或善怒此脾虛肝所乘也宜用前湯更加木香

木瓜丸 治生下吐

木瓜 麝香 膩粉 木香 檳榔

各等分

右為末麵糊丸黍米大每服一二丸甘草湯化下

薛按前症多因妊娠胃經有熱或鬱痰所致當審其
母而兼治之

塗顯法

麝香

牛黃

青黛

各二分半

蝎尾

去毒一分半

薄荷

二分

右為末生棗肉杵膏塗帛上貼顯中以手烘熱頻熨
之

薛按前法辛涼發散開竅祛風之劑當審用之余每
以葱頭三五莖細切搗爛攤紙上以兩掌護熱貼顯

門良久其邪即解諸病自退乃去其蔥却以段帛寸餘塗糊仍貼顯門護之春夏常用絹帛秋冬用紵絲以護貼之永無傷風之患亦因有母病致兒發搐者

治驗見前

浴體法 治胎肥胎熱胎怯

麝香

二分半

天麻錢

白礬

烏蛇肉

酒浸

青黛

各三錢

蝎尾

去毒

朱砂

各五分

右為末桃枝一握水煎浴之勿浴背

薛按前法乃開發腠理疏泄陽氣若小兒所稟虛怯
或妊母所致各說見本論

神效當歸膏 治跌撲湯火等瘡不問已潰未潰

當歸 黃蠟

生地 各一兩 麻油 六兩

右先將當歸地黃入油煎黑去渣入蠟融化候冷攪
勻即成膏矣


砭法 治丹毒赤色遊走不定以口吮毒聚在一處用
細磁器擊碎取有鋒芒者一塊以筋劈開頭尖夾之

用線縛定兩指輕撮筋稍令磁芒正對聚處懸寸許
再用筋一根頻擊筋頭令毒血遇刺皆出毒入腹者
不救症輕者止用口吮出毒用藥敷之如患在頭額
不用砭法止宜用卧針倒挑患處以出毒血其赤自
退

製附子法

取附子重一兩三四錢有蓮花瓣頭圓底平者先備
童便五六碗將附子放在竈上煙櫃中良久乘熱投

入童便浸五七日候潤透揭去皮切四塊仍浸二三日用粗紙數層包之浸濕埋灰火半日取出切片檢視有白星者仍用瓦上炙熟至無白星為度如急用切作大片用童便煮二三沸熟瓦焙熟即可用



薛氏醫案卷五十三